

AUGLÝSING um takmörkun á samkomum vegna farsóttar.

1. gr.

Akvörðun og markmið

Með vísan til 2. mgr. 12. gr. sóttvarnalaga nr. 19/1997 hefur heilbrigðisráðherra ákveðið, að fenginni tillögu sóttvarnalæknis, og í samráði við ríkisstjórnina að setja á tímabundna takmörkun á samkomum eftir því sem hér greinir.

Markmið takmörkunarinnar er að hægja eins og unnt er á útbreiðslu COVID-19 sjúkdómsins.

2. gr.

Gildissvið

Takmörkun á samkomum tekur gildi 16. mars 2020 kl. 00:01 og gildir til 12. apríl 2020 kl. 23:59.

Stjórnvöld endurmeta þörf á takmörkuninni eftir því sem efni standa til, þ.e. hvort unnt sé að afléttu henni fyrr eða hvort þörf sé á að framlengja gildistíma hennar.

Takmörkun á samkomum tekur til landsins alls.

3. gr.

Fjöldatakmörkun

Í takmörkun á samkomum felst að fjöldasamkomur eru óheimilar á gildistíma þessarar auglýsingar. Með fjöldasamkomum er átt við þegar 100 einstaklingar eða fleiri koma saman, hvort sem er í opinberum rýmum eða í einkarýmum. Er þá m.a. vísað til:

- Ráðstefna, málþinga, funda o.þ.h.
- Skemmtana, s.s. tónleika, leiksýninga, bíosýninga, íþróttaviðburða og einkasamkvæma.
- Kirkjuathafna hvers konar, s.s. vegna útfara, giftinga, ferminga og annarra trúarsamkoma.
- Annarra sambærilegra viðburða með 100 einstaklingum eða fleiri.

Enn fremur skal tryggt á öllum vinnustöðum og í allri starfsemi að ekki séu á sama tíma fleiri en 100 einstaklingar inni í sama rými, s.s. á veitingastöðum, mötuneytum, kaffihúsum, skemmtistöðum, verslunum, sundlaugum, líkamsræktarstöðvum, og söfnum.

4. gr.

Nálægðartakmörkun

Í takmörkuninni felst einnig að á samkomum, öllum vinnustöðum og í allri annarri starfsemi skuli eftir því sem unnt er, rými skipulögð með þeim hætti að hægt sé að hafa a.m.k. 2 metra á milli einstaklinga. Þessi mörk eiga einnig við um almenningssamgöngur og aðra sambærilegra starfsemi.

Nr.

2020

6. gr.

Takmörkun gildissviðs

Takmörkun þessi á samkomum tekur ekki til skólahalds en um það er fjallað í sérstakri auglýsingu.

Takmörkunin tekur ekki til alþjóðaflugvalla og -hafna. Það tekur jafnframt ekki til loftfara og skipa.

7. gr.

Undanþágur

Ráðherra getur veitt undanþágu frá takmörkun á samkomum í þágu allsherjarreglu eða öryggis ríkisins eða til verndar lífs eða heilsu manna eða dýra.

Heilbrigðisráðuneytinu 13. mars 2020.



Svandís Svavarsdóttir
heilbrigðisráðherra.



Asta Valdimarsdóttir.

B-deild – Útgáfud.: